



Universitätsbibliothek Paderborn

Venerabilis Patris Thomæ à Jesu ... Opera Omnia

Homini Religioso Et Apostolico Tam Qvo Ad Vitæ Activæ, Qvam
Contemplativæ functiones utilissima, Duobus Tomis Comprehensa. In
Qvibvs Singlari Pietate, Varia Ervditione Clariori Et Breviori Stylo
Continentvr Et Explicantvr ...

Tomás <de Jesus>

Coloniæ Agrippinæ, 1684

Cap. V. Cur omnes essentiaë cœlestes communi nomine Angeli
appellentur?

urn:nbn:de:hbz:466:1-38621

veniri primos, medios, & ultimos. Et q. 111. a. 1. homines illuminari per Angelos, quia ab illis accipiunt revelationes quæ sunt illuminationes.

Et 1. 2. q. 3. a. 7. Angelos illuminare hominis ut ministros, & q. 98. art. 3. legem datam esse à Deo per Angelos quia divina debent ad nos deferri per illos. Et q. 111. ar. 1. ordinem rerum consistere in hoc, quod quædam per alia in Deum reducuntur. Et 2. 2. q. 2. a. 6. revelationem divinam ordine quodam ad inferiores pervenire, ut ad homines per Angelos, & ad inferiores Angelos per superiores. Et 3. p. q. 10. a. 4. potentiam animæ esse infra potentiam intellectivam Angeli. Et q. 12. a. 4. Christum fuisse formationibus Angelicis subiectum non ratione sui, sed eorum quæ circa ejus incarnationem agebantur, & q. 20. a. 1. divinam naturam esse essentialiter bonitatis, & q. 27. a. 5. Angelos quia Deo propinquiores magis participare de bonitate divina, & q. 30. a. 2. quod mysterium Jesu primo Angeli edocti sunt, & q. 55. a. 1. à Deo immediate superioribus Angeli fieri revelationes. Et idem etiam a. 2. & in supplem. q. 77. a. 2. De quibus item 1. Sent. d. 17. q. 1. a. 1. & in 2. dist. 9. q. 1. a. 1. & dist. 12. in expof. & q. 1. a. 3. & q. disp. de Malo q. 3. a. 4. & de verit. q. 10. a. 1. & q. 11. a. 3.

Documentum II.

Cognominatione Angelica selectim digna facta sunt: eo quod primo in se ipsas edunt divinam illuminationem, & per se in nos deferunt, qua supra nos sunt manifestationes.

Expof. Hug. Angelus quippe nuntius interpretatur. Qui ergo acceptam gratiam aliis ministrando deferunt, auctoris gratia nuntii sunt. Sed sunt nuntii alii priores, alii posteriores. Angeli enim qui primo perceperunt, & ad hominum cognitionem deferunt primi nuntii sunt, ipsi vero homines cum gratiam perceptam aliis prædicando, & annuntiando deferunt, nuntii quidem nominantur, sed non primi.

Nota, eos qui acceptam gratiam aliis communicant doctrina, & exemplo, Angelos appellari. Videatur Resolut. 10.

Documentum 12.

Sanctis facta sunt Theophania secundum quasdam sacras manifestationes decentes DEVM: & per manifestationes visionum proportionalium videntibus.

Exp. Hug. Theophania, id est, divina revelationes sanctis factæ sunt, non ut mens humana in carne mortali ad incomprehensibilem naturam contingendam immediate accederet: sed factæ sunt secundum quasdam sacras manifestationes, sive visibilia formatum extrinsecus sensui adhibitis; sive imaginationum secundum visibilia intrinsecus animo ingestas, sive alio qualicumque modo altiori spiritaliter humanæ rationi impressas, tali convenientia copartatas ut ipsum Deum, de quo factæ erant decerent: & ipsis quibus fiebant, videntibus secundum proportionem uniuscujusque & capacitatem congruerent.

Nota visiones sive extrinsecas, sive imaginarias, sive intellectuales fieri secundum convenientiam, & dispositionem recipientium. Vide Resolut. 53.

Documentum 13.

Angelus pastores tanquam multorum reditu, & silentio purgatos evangelizavit: & cum eo multitudo exercitus celestis illam valde laudabilem iradebantis qui in terra sunt, doxologiam.

Exp. Hug. Purgatos separationem multitudinis, & tumultus: & purgatos etiam silentio, id est, quiete mentis, & pace interna: ut in hoc ipso digni Evangelico fierent eloquio. unde paulatim crescente gratia post unius evangelizationem celestis exercitus multitudo auditur.

Nota quietem, & solitudinem valde conducere ad divinas illustrationes recipiendas.

Et per receptionem priorum disponi animos ad ulteriores. Vide Resolut. 8. & 53.

CAPVT V.

Quare omnes celestes essentia communiter Angeli dicuntur: & specialiter proprias præterquam primi & secundi ordinis habent agnominationes.

Resolvit S. D. quod licet hoc nomen particulariter pertineat ad infimum ordinem, eo possunt generaliter omnes appellari: tum quia divina mysteria quæ nobis Angeli ordinis inferioris enuntiant receperunt à superioribus: tum quia proprietates & perfectiones interiorum in superioribus perfectius inveniuntur, & non è contra.

Citatur à D. Th. 1. p. q. 1. a. 10. quod lex nova figura sit futura gloriæ. Et q. 106. a. 3. hanc esse legem divinam: se immobiliter firmatam ut inferiora reducuntur in Deum per superiora. Et q. 108. art. 2. quod in qualibet Hierarchia ordines distinguantur per diversos actus & officia. Et ar. 5. nomen commune remanere infimo ordini quasi proprium. & q. 113. a. 2. quod licet unus Angelus infimus sit proximior homini, potest homo ab aliis illuminari.

De quibus etiam in 1. Sent. dist. 17. q. 1. ar. 4. & q. def. de pot. q. 6. art. 7. & de malo q. 3. a. 7. & q. 9. a. 5.

Nullum tamen mysticum documentum hinc peculiariter erumimus, quia doctrina hujus capitis magis ad Scholasticos spectat.

CAPVT VI.

Qua sit prima celestium essentiarum dispositio: qua media; & ultima.

Dicit Deum solum cognoscere quæ ad omnes ordines Angelorum spectant. In illis que esse novem ordines, quas Magister suus Paulus in tres ternarias distributiones distinxit, quæ dicuntur tres Hierarchiæ. In 1. Throni, Cherubim, & Seraphim. In 2. Potestates, Dominationes, Virtutes. In 3. Angeli, Archangeli, Principatus.

D. Tho. citat hoc caput 1. p. q. 56. art. 1. ubi sibi objicit Dionysium dicentem, quod Angeli ignorant proprias virtutes. Et respondet hanc litteram antiquam, esse correctam per novam, licet